

ادبیات عمومی و تجربی

هفته‌ایق سیاسی، علمی و ادبی غزته در

جلد : ۲

سنه : ۲ : ۹ محرم ۱۳۳۶ جمعه ایرتسی ۲۷ تشرین اول ۱۹۱۷ نو صرو ۸ — ۳۹

اجمال فکر

بهرانه فکریمز — دای نیپیوه —

بو اوفق رساله ویا مقاله لری عددی اوچی بولدی: بهرانه اجتماعیمز، نهضت، بهرانه فکریمز. بو تدقیقنامه لری برده بهرانه میا میز که تعقیب ایتمه سی محتملدر. بورسائل اصلا خلفه خطاب ایتمیور. آنلرک احتوا ایتمدیکی افکار و جیزه آنجق خواص طرفندن آ کلاشیله بیلیر. بوفکرلر بلکه بر آز paradoxal — یعنی قناعت عمومی و جاریه به مخالفدر. لکن، ایجه بیلیمش اولهلم که عامه، هر وقت طوغری بی کورمن. ملل واقوامک خطا ویا اعتباریات اوزرینه اتفاق ایتمک لری. عدید و عنید امثله تاریخیه ایله مبرهندر. بورساله، اورتیه بر طاقم یکی — یاخود نامنتشر فکرلر قویور. بونلرک هیچ برنده ابتدال یوقدر. افکار مذ کوره — بعضیلرینک ادعاسنه کوره — غربده رواج بولان — علی العاده — نظریات محافظه کارانه نلکده بر استنساخندن عبارت عد ایله ملیدر؛ چونکه، موضوع محاضره اولان مسائل هپ بزه متعلق و عائددر.

اوت! بر بحران فکری حکمفرما. بو، بارز و ظاهر بر بداهتدر. افکارده بر توازن، آراده بر اطراد هنوز یوق. اودرجه ده که بوکون بر فکری، — یک ایلری به کیدرک مدافعه ایتملر، یارین آندقدن قولایقله واز کچورلر. عمده لری اوزرندن هنوز قرون و بطون صرورایتمه مش، نظریه لر، روز کارلره، مودایه، خاطره و کواکه، صحیفه لری یکی کسلمش بر کتابک مطالعه سریع سنه ابتناء، عادتا بر فیرلماق کی دونیور، دکیشیور.

تدقیق و تتبعده اصول جیده سی داخلنده اولیور. نا کافی بر حوله عرفانی ایله قناعت ایتمیور.

ارباب ایب مهول نوری بلک افندی

عرفانآب !

عثمانی دلاورلری طرفندن اداره اولسان و سرعت برقیه ایله ملاء اعلایه طوغری
یوکسهلوب کیدن بر طیاره حقنده خاطر کترانه خطور ایدرک بالمناسبه کچن هفتهکی
« ادبیات عمومی مجموعه سی » نه درج نیؤریلان :

بویله ای طیاره بالایه صعود کدن مراد

خلقه معراج رسول اللهی سویلتمکمیدر

بیتی ذات حکیمانه لینه ارئه ایتدیگمه شو بیتک بر غزل شکلنه افراغنی آرزو
بیورمش ایدیکز . تکلیف ادبیانه لری وجهله پر غزل شکلنه افراغ ایتدم .

شمدی یه قدر کوره بیلدیکم دیوانلره نظراً بو وزن وقفیه ده اوچ عصر قدر اول
نائلی قدیم بر غزل یازمشره شو بیت اوندندر :

دیره وارمقدن مراد احیای اموات ایلیوب

بتله اعجاز روح اللهی سویلتمکمیدر

صوکرده ده نامق کال بلک :

رویگه بند نقاب لن ترانیدن مراد

طوره گفتار کلیم اللهی سویلتمکمیدر

زمیننده نطق آرای بلاغت اولمشره مناسرتی فائق بلک ده :

جهله اوزره وضع انکشت تأملدن مراد

ماهه اعجاز حبیب اللهی سویلتمکمیدر

بیتیه جواب ویرمشره شو بیتلرک جمله سی بری برندن کوزلدر . صوکرده نغم
آمدی یرو اوله رق :

متجنیق عشق ایله القای آتشدن مراد

سر کلزار خلیل اللهی سویلتمکمیدر

دیغشدر . شو نریه بیتلر روح الله ، کلیم الله ، حبیب الله ، خلیل الله صفت ممتازه لریله
مهرین اولدقلری ایچون بنده او طیاره بیتی (رسول الله) کلام مبارکیله تزین ایلشدم .
کوریلورکه بو حقیر پریشان گفتاری مدنیت حاضره نیک بدایع آثارینه توصیفی
حقنده بسمه کش ابتدا ایدن ینه اسلاف کرامتک اسلوب انطاق حکیمانه لریدر .

بو وادیده ده بعض شاعرلرمنه شعرلری ده واردر :

سینه م اوزره وضع انکشت آجهملدن غرض

عاقبت درد دل غمخواهی سویلتمکمیدر

بیتی هر سکی عارف حکمت بلک مرحومک و :

وادی ایمن دیوب بیروشک خاموشک

دردک ای موسی جان اللهی سویلتمکمیدر

بیتیده فائق ممدوخ پاشانکدر . ادیب آتش زبان زمان سلیانی نظیف بکده :

اوله دن سینا نورد خطه عشق و نیاز

مقصداک ای دل ینه الهی سویلتمکمیدر

بیتنی انشاد بیورمشدی . بورالریخی برخاطره اولوق اوزره عرض و غزل حقیرانه می
اتحاف ایلرم ، ای ادیب لیب :

قصداک ای طیاره سرالهی سویلتمکمیدر

رحم ایله هر عارف آگاهی سویلتمکمیدر

عالمک فوقنده عالمی سیاحت ایلوب

نوظهور اخبار ایله افواهی سویلتمکمیدر

ای براق برق سرعت اعتلادن مقصداک

بحث « وانشق القمر » ده ماهی سویلتمکمیدر

بویله تقلید براق و رفرق ایتکدن غرض

عشق ایله خورشید کردون جاهی سویلتمکمیدر

منکر معراج ، خرق عالم بالا ایله

چاره امکان عزم راهی سویلتمکمیدر

جو اعلایه صعود ایله نزولکدن مراد

عارفان قربه علم الهی سویلتمکمیدر

راز افلاکی مسیحای معلا منزله

یوسف کنعانه سر جاهی سویلتمکمیدر

والهانه طور ایله ای طائر رفرق ادا

شبلی و منصور و فضل الهی سویلتمکمیدر

بویله ای طیاره بالایه صعودکدن مراد

خلقه معراج رسوله الهی سویلتمکمیدر

احمد مرسلده کی جولان عرش اعظمی

سندده کی عزم ره کوتاهی سویلتمکمیدر

بویله جولان ایلکدن قصداک ای بیله ظفر

نعت پاکنده دل پر آهی سویلتمکمیدر

هم امید فیض استقبال اولان نورسلری

هم شیوخ محترم درگاهی سویلتمکمیدر

حاصلی نعت پیرده لسان حال ایله

خاص ایله فامی فقیر و شاهی سویلتمکمیدر

ساحه سیناده ای طیاره کرمکدن مراد

مژده طور تجلیکاهی سویلتمکمیدر

بویله تکلیف غزلدن قره العین تجلال

مقصداک عید توجه خواهی سویلتمکمیدر